

Radunanza generala dal CAS EB, ils 18 avrigl 2006, al restorant Trü a Scuol

.....

Nossa presidenta Gianna Rauch Poo driva la radunanza generala a las 20.00 h e po salüdar a 56 commembras e commembers chi han chattà la via per gnir a nossa radunanza generala. Davo divers salüds specials bivgnaint ella a Jon Domenic Parolini, il president da cumün da Scuol chi da il bivgnaint official dal cumün e surpiglia al listess mumaint eir la prüma runda da bavrondas, quai sco ingrazchamaint al CAS per la lavur ed il ingaschamaint. Ün cordial grazcha fich al president da cumün. Divers commembers s'han laschè s-chüsar o a bocca o in scrit, our da la suprastanza Christian Wittwer e da Giacomini Arquint vaina stuvü tour cumgià per adüna. Sco dombravuschs funcziunan Mathias Filli e Sepp Erni.

Tractandas:

1. Protocol da la radunanza generala dals 15.04.05 a Ftan

Il protocol da la radunanza generala dals 15.04.05 a Ftan vain prelet ed approvà cun applaus.

2. Rapport da la presidenta

Gianna rapportescha sur da sia lavur sco presidenta dal CAS EB. La suprastanza ha fat diversas tschantadas.

I da üna nouva organisaziun da salvamaint per il CAS „Alpine Rettung Graubünden“. Quai ha dat differentas chantadas cun ils presidents dal CAS da nos chantun.

Pro nossas chamonnas nun haja dat ingünas revisiuns plü grondas. Pero la successiun da Balser e da Cilgia da la chamonna Tuoi ha dat bainquant lavur. La nouva guardia chamonna da Tuoi es Franziska Baumgartner chi ha cumanzà bain sia lavur.

Quist on daja üna pitschna festa da jubilàum per ils 10 ons custodi sülla chamonna Linard.

Inplü ha eir dat la chercha d'ün successur per Giacomini Arquint barmör vaira blera lavur.

I circulescha üna glista cun tuot ils nouventrats usché cha Gianna desista da tils preleger. Gianna tils da ün cordial bivgnaint in nossa secziun. Onurificaziuns vaina differentas per quist on. Vaira suot la tractanda 8. Set commembers ans han bandunats per adüna, quai sun: Christen Hansruedi d'Ardez, Adolf Müller da Turich, Dumeng Conradin da Sent, Linard Giacomelli da Lavin, Heinrich Liner da Poschiavo, Armin Zogg da Martina e Giacomini Arquint da Scuol. La radunanza s'adozza in lur memoria.

Gianna ingrazcha als guardia chamonnas da Tuoi, Lischana ed eir a tuots da la Linard, als chefs da chamonnas, a la gruppa da salvamaint, a la gruppa da chans, als manaders dals CAS e OJ cul coach, revisurs da quint ed als redactors da nossa gazettina e la pagina d'internet.

Gianna ingrazcha als 736 commembers da nossa secziun per lur fiduzcha. Implü ingrazcha ella a tuot la suprastanza per la lavur prestada in nossa secziun. Il rapport da la presidenta vain approvà cun applaus.

3. Rapports dals differents chefs

3.1. Chef da gitas

Il rapport da Christian Wittwer - chi s'ha laschè s-chüsar - vain prelet da l'actuara. Tuot las gitas han pudü gnir manadas tras sainza accidaints. Dürant il 2005 sun gnüdas manadas tras 15 gitas cun 86 participants. L'inviern d'eira cun noschas relaziuns, cun gradaglias e paca naiv. La stà vaiva bleras fin d'eivnas cun trid'ora. Tuot in tuot es l'interess vi da nossas gitas plütost pitschen.

3.2. Chef da chamonnas

Sco in tuot la Svizra sun eir pro no idas inavo las pernottadas aint in nossas chamonnas. Suvent es l'ora la cuolpa ed eir scha la naiv vain d'utuon fich bod. Vis cun la media dals ultims 15 ons eschna pero amo adüna bain landervia. Sül la chamonna Lischana nu cuntainta il provedimaint electric adüna dal tuot adonta dal agüd da cellas solaras ed eir dal generatur. Sül la Linard hana cumbatü cun la s-charsda da l'aua d'ürant la stà passada. Eir aint illa Tuoi hana gnü pac'aua davent dal favrer. La radschun es cha las funtanas mainan adüna damain aua causa las stas süttas ed ils invierns cun plütost paca naiv. Aint illa chamonna Tuoi - ingio cha Franzisca Baumgartner ha cumanzà sia lavur - stuvarana far differentas lavurs da mantegnimaint. Quai füss üna jada la fatschada vers süd e diversas fnestras. Ün grazcha fich a Balsler e Cilgia Derungs per lur grond ingaschamaint aint illa chamonna Tuoi. No tils surdain ün frus-cher per lur nouv restorant Bellavista.

3.3 Chef da salvamaint

Walter Erni da Scuol ha surtut la lavur da Giacomini davo seis prüm cuolp. Fin in favrer ha'l gnü pacs cloms e davopro listess differentes. Ün grazcha fichun a tuots quels chi han güdà davo la mort da Giacomini.

3.3. Chef OJ

Chasper Alexander Felix fa seis rapport a man da bellischmas dias fattas d'ürant l'on scuors. La partecipaziun dals giuvenils a las differentas gitas es exemplaric. In media piglian part 18 giuvenils a mincha gita dal OJ. Tuot las gitas sun gnüdas manadas tras sainza accidaints. LOJ ha differentes novs manaders chi han tuots absolt ils cuors necessaris. El ingrazcha als manaders ed a tuot ils agüdants chi sustegnan las duos gruppas da l'OJ. El ingrazcha a Jachen Andri cun sia lavur cun ils tredeschins ed a Andri Poo per sia lavur administrativa

Ils differentes rapports vegnan fats bun cun applaus.

4. Rendaquint 2005 e rapport dals revisuors

Il rendaquint e'l rapport dals revisuors sun publichats aint illa gazettina. Il quint da gestiun 2005 muossa ün vanz da frs. 863.35. La facultà netta als 31.12.2005 s'adoza sün frs. 199'164.09. A la Heli Bernina vaina stuvü pajar inavo ün impraist da frs. 30'000.--. Adonta da quist impraist es la situaziun finanziaria da la secziun fich buna.

Ils revisuors ingrazchan in lur rapport al chaschier per sia gronda lavur e propuonan acceptaziun dal quint da la chamonna da Lischana e dal quint dal 2005.

5. Dis-charg a la suprastanza

Il rendaquint 2005 vain acceptà unanimamaing e dat dis-charg a la suprastanza.

6. Contribuziun annuala

Per la contribuziun annuala dal 2006 propuona la suprastanza il seguaint

frs. 28.-- l'on per singuls commembers
frs. 56.-- l'on per famiglia
frs. 15.-- l'on per giuvenils in famiglias na commembers

La radunanza generala fa bun quista proposta.

7. Tschernas cumplessivas

Pro la suprastanza nu daja ingüns müdamaints quai voul dir ingünas desditas. Tuots vöglian far inavant lur lavur per il CAS EB. La suprastanza sto pero tscherner il successur da Giacomini sco chef da salvamaint. Quel scheglia illura il vize plus il parsura da la colona da salvamaint. Fin in uossa d'eiran quistas trais caricas suot Giacomini. La suprastanza fa pero la proposta da spartir sü quellas caricas chi dan eir magari blera lavur per part eir administrativa. Il chef da salvamaint vain schelt da la radunanza generala, ils duos oters post vegnan elet da tal. Jöri Felix da Sent as metess a disposiziun sco chef da salvamaint - quist es nossa proposta - e sco Vize as metta a disposiziun Chasper Planta - quist sco infuormaziun.

Sco nouv chef da salvamaint vain elet unanimamaing Jöri Felix da Sent.

La suprastanza vain incumbensada ed ha il dret da far ils müdamaints necessaris pro las bancas ed otras instituziuns.

Per las tschernas cumplessivas vain elet unanimamaing tuot il rest da la suprastanza cun applaus e quai per duos ons.

| | |
|-----------------------------------|------------------------------|
| Presidenta: | Gianna Rauch Poo |
| Chaschier: | Andri Linsel |
| Schef da salvamaint: | Jöri Felix |
| Schef da gitas: | Christian Wittwer |
| Schef (coordinatur) da chamonnas: | Cla Duri Janett |
| Schef da l'OJ: | Chasper Alexander Felix |
| Actuara: | Corsina Feuerstein Betschart |

8. Onurificaziuns dals veterans

Onurificaziuns vaina differentas per quist on:

25 ons commember sun: Jon Andri Fliri da Scuol, Walter Erni da Scuol, Georg Cadonau da Ramosch, Matias e Rosmarie Filli da Scuol, Reto Strimer d'Ardez, Carolina Buchli da Sent, Roman Gross da Zernez, Giovanni Mathis da Scuol, Hans Marti da Scuol, Andri Fried da Sent, Tönet Peer da Ftan, Thomas Mirer dad Obersaxen.

Daspö 40 ons in nossa secziun es: Rico Luppi da Ftan.

La presidenta surdà a tuot ils veterans manzunats üna medaglia e tils ingrazcha per lur fidelità.

9. Varia

- La reuniun d'ascensiun dal SAC vain manada tras ils 25 da mai ad Appenzell.
- No vain survgni per la chamonna Lischana üna donaziun remarquabla.
- No vain tramis ün questiuari als guardians da la chamonna Linard raduond 30 exemplars. La valutaziun nu vaina amo pudü far.
- I vanza amo ün gilet à frs. 60.--
- Walter Erni sco president da la gruppa da chans manzuna il fat chi han massa pacs chans scolats al mumaint. Quist fat nun es dal tuot agreabel schi da ün clom d'agüd illas muntognas.
- Mario Rauch muossa üna pitschna represchentaziun da recloma ch'el ha fat per nossa secziun.

La presidenta sera la radunanza a las 21.50 e giavüscha a tuots ün bun arriv a chasa.

Samedan, ils 7 mai 2006

Per il protocol:

Corsina Feuerstein Betschart
actvara

Gianna Rauch Poo
presidenta